

SANITÉ: Le dotur Eduard Agreiter é demez por ferias dai 15 ai 26 de messé y vëgn sostitui dala doturia Grete Mahlknecht 349 06 67 034 o 0474 523 018

SAN MARTIN Y LUNGIARÜ

Le Sorvisc ai Jogn Val Badia pïta n sorvisc de consulënza y orientamënt por jogn, jones y geniturs sön temesc che reverda la jonëza y l'educaziun vigni secundo y cuarto mercui dl mëis dales 09.30 ales 11.30 tl Zënter Pedagogich a Picolin (alzada -1) y vigni secundo y cuarto vëndres dl mëis tl ufize dl Zënter dla jonëza y dla cultura SaJ.un a La Ila (Ciasa dla Cultura, alzada -2) dales 13.00 ales 15.00. Al ne vá debojëgn de degöna prenotaziun y la consulënza é debann. Por informaziuns: barbara@jogn.org o 342 84 10 721.

La Uniun dl Sport da San Martin mët a jí n curs de atletica lisiera por mituns y mitans dla scora mesana cun Alex Verginer vigni dedolönesc dai 23 de messé cina ala fin dl isté a San Martin tl ciamp dl sport Pradel. Vigni iade danmisdé dales 09.30 inant. Cost 50 euro. Prenotaziuns y informaziuns le pröm de o por telefon: 334 35 01 175 (Alex) 339 62 11 647 (Maria)

Curs da nodé 2 por mituns y mitans – por progredis cun Lorenz Clara dai 5 ai 29 d'agost tl Hotel Coronas a Al Plan, 8 iadi indöt, le dedolönesc y la jöbia dales 9.00 ales 11.30; cost 110 euro + cherta dla Uniun dl Sport. I mituns vëgn condüc dal paisc inant y indö . Info y prenotaziuns por telefon 348 51 98 620. I posc y limitá a 8 mituns.

Manifestaziuns:

- 10^a incuntada di orghi da man: en chësta sabeda y en domënia, ai 20 y 21 de messé, s'incunta i orghi da man apé de Pütia. La incuntada mët man en sabeda dales 18.00 tla Ütia de Börz. La domënia sonará gragn y pici, y sciöche ghesc n grup dla Slovenia, dales 11.00 inant ia dala Ütia de Fornela.
- En vëndres, ai 26 de messé, dales 21.00 spazirada acompagnada dala dljia da Lungiarü cina ala capela de Seres; dedo concert cun musica d'erpa dales 21.30 tla capela.
- Concert dla Musiga da San Martin en vëndres ai 26 de messé sön le paiun a San Martin dales 21.00. Da bur tēmp vëgn le concert desdit

Badia Musiga inviëia a chisc conzerc:

- Concert „La douceur et l'esprit“ cun Nadia Prousch, Veronica Egger y Marianna Bisacci a San Ciascian incö domënia, 21 de messé, dales 21.15.
- Concert de orghi cun la organista Olga Persits, lönesc 22 de messé, tla dljia de Badia dales 21.15.
- Concert cun Tanja Agreiter & Duo Moebius en mercui, ai 24 de messé, tl salff dles manifestaziuns a Corvara dales 21.15

Tl Istitut Ladin a San Martin: Mostra de tera cöta Manfred Mureda. La daurida é en vëndres ai 26 de messé, dales 18.00 y resta daverta cina ai 11 d'agost, dales 10.00 – 12.00 / 15.00 – 19.00.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.07. – 28.07.19 nr. 34

ultimo termo por comunicaziuns: jöbia dales 20.00
radio: 90,40 / 93,70

16^a DOMËNIA ia por l'ann C

Vangele do Lüca 10,38-42

Te chël tēmp é Gejù rové te n païsc,
y na ëra, che â inom Marta, l'â tut sö döt valënta te süa cíasa.
Ara â na só che â inom Maria.
Maria s'â sentè pormez ai pîsc dl Signur y ti ascutâ pro a sües parores.
Marta indere ê döt ocupada da le socodì.
Ara ti ê jüda pormez y â dit: Signur, ne t'un féjeste nia d'infora
che mia só me lascia
döt le laür a mé sora?
Dii pö ch'ara me dëides!
Le Signur à respognü:
Marta, Marta, tö te fejes
n gröm de fistidi y de bries.
Mâ öna na cossa va debojëgn.
Maria à lité la miù pert,
chësta ne dess nia ti gnì tuta.




Al é n tēmp da ascuté la parora de Dî! Da olá dessun pa zënza tö l'ispiraziun por nosta vita y por nosta fede?

Y al é n tēmp da operé! Deache zënza n cristianejim pratiché ne foss nosta Dlijia nia na Dlijia incundadëssa, sorvidëssa y dantadöt nia credibla.

Maria y Marta nes mostra, vignöna te süa manira, che la fede ne dess nia ester ma laur o ma contemplaziun y ch'an pó ince rové te conflic da orëi ti scrí dant ai atri so tru coche nos la minun.

I un vignun nosc compit da ciaré can y co ch'i se tolun le tēmp da ascuté y da incunté Idî tla conferta cun ël y can y co ch'i se metun a sorvisc incuntan y sorvin Idî ince tl proscim.

	SAN MARTIN	LUNGIARÜ		
21.07.19 16ª DOMÈNIA DL ANN C <i>Domènia de San Cristofe</i> <i>(ciarede ince tl Sonntagsblatt)</i>	9.00 Corona 9.30 Gran Mëssa dla Comunità <i>cun benedisciun dl tëmp</i> <i>Oferta por les Misciuns</i> 13.00 Bato de Markus Chizzali	7.55 Corona 8.15 Gran Mëssa dla Comunità <i>+ siur Fonjo Clara</i> <i>Oferta por les Misciuns</i> 15.00 Corona tla capela de S. Ujöp	 <p>San Cristofe t'as porté le Bambin Gejú ia por na gran ega. Acompagnëesse ince nos sön nüsc trus. Condüjesse sagns intun sön nüsc iadi y te nosc laur. Stravérdesse dai prighi dl trafich y da desfortünes cun mascinns. Dëidesse ch'i ne metunse degügn al prigo y n'ofenunse degügn cun nosc comportamënt sön strada y tl laur. San Cristofe, om sant de Dî, te n'as stravardé tröc dai prighi dl corp y dl'anima. Dëidesse ince nos y chi ch'i stlujun ite te nosta oraziun. Insëgnesse da adoré cun responsabilité i mesi de trasport y vigni sort de mascinns por ti mantigní ince a chi che vëgn do n ambiënt sann, por ch'i podunse laldé y rengrazié Idî, Pere, creatur dl monn, tres Gejú Crist so Fi tl'unité dl Spirit Sant sëgn y por dagnora. Amen.</p>	
22.07.19 Lönesc <i>Maria Magdalena, Verena</i>	7.30 Mëssa <i>de rengraz. fam. Baldissera</i> <i>+ Giovanni Pescoller</i>			
23.07.19 Dedolönesc <i>Brighita dla Svezia</i>	7.30 Mëssa a Picolin <i>(don Francesco)</i> <i>a d'intenziun</i>	19.30 Mëssa a Bioch <i>en onur di Agnui Custodi</i> <i>++ Mario y Aristide Brivio</i>		
24.07.19 Dedemesaledema <i>Cristofe, Charbel, Cristina</i>	19.30 Mëssa a Picolin <i>(don Francesco)</i> <i>en onur de Sant Antone</i>	7.30 Mëssa <i>dl ann + Carlo Dejaco</i>		
25.07.19 Jöbia <i>San Iaco apostul, Tea</i>	7.30 Mëssa + Paula Ploner + Erika Psaier + Pire Unterweger Corona por vocaziuns			
26.07.19 Vëndres <i>Iachin y Anna, Cristiana</i> Festa de Sant' Ana sö La Cruc	7.30 Prozesciun da San Linert 9.30 Mëssa solëna sö La Cruc y prozesciun eucaristica 19.00 Adoraziun chîta 19.30 Mëssa <i>(don Francesco)</i>	7.30 Mëssa + Scebio y Angela Nagler		
27.07.19 Sabeda <i>Nazar, Natalia</i>	15.30 Mëssa tla Ciasa de Palsa 18.30 Mëssa prefestia <i>por le Papa y la Santa Dlijia</i> <i>por les families de Ludwig Rungger</i> ++ Vantsch, Mirí	20.00 Mëssa prefestia + Serafin Canins		
28.07.19 17ª DOMÈNIA DL ANN C	9.00 Corona 9.30 Gran Mëssa dla Comunità <i>cun benedisciun dl tëmp</i>	7.55 Corona 8.15 Gran Mëssa dla Comunità <i>cun benedisciun dl tëmp</i> 15.00 Corona tla capela de S. Ujöp		
<p>En Vëndres, ai 26 de messé, dales 15.00, vëgnel soné adöm te döttes dl ijies les ciampans por nes recordé la tröpa jënt che mëss morí da fan y ch'an la stlujes ite tl sacrificze de Gejú mort söla cruc. LA CARITAS DLA DIOZEJA PRËIA DO NOSC AIÛT sot al motto "La fan ne vá nia en vacanza" por daidé dantadöt la jënt che se döra fan tl' Africa. Informaziuns ciafëise sot a www.caritas.bz.it Spënores pó gní fates sön le cunt: Raiffeisen Landesbank IT42 F0349311600000300200018. – Dilan!</p>				